



Broj: 05-01-02-973-8/21

Datum: 04.06.2021. godine

Na osnovu člana 10. stav (1) tačka d) Zakona o organizaciji uprave u Hercegovacko-Neretvanskom kantonu („Sl. novine HNK“, broj 9/09), člana 9. i 25. Zakona o kantonalnim ministarstvima i drugim tijelima kantonalne uprave („Sl. novine HNK“, broj: 4/98, 1/02, 4/07), člana 70. stav (1) Zakona o javnim nabavama Bosne i Hercegovine (Službeni glasnik BiH broj 39/14), ministar Ministarstva obrazovanja, nauke, kulture i sporta HNK donosi:

ODLUKU

o odabiru najpovoljnijeg ponuđača

Održavanje online platforme za učenje u osnovnim i srednjim školama
na području Hercegovacko-neretvanskog kantona

I.

Prihvata se prijedlog Komisije za provođenje postupka nabavke, sadržan u *Zapisniku o pregledu i ocjeni ponuda za postupak nabavke* Održavanja online platforme za učenje u osnovnim i srednjim školama na području Hercegovacko-neretvanskog kantona, broj: 05-01-02-973-7/21 od 04.06.2021. godine te se Ugovor za nabavku usluge Održavanja online platforme za učenje u osnovnim i srednjim školama na području Hercegovacko-neretvanskog kantona dodjeljuje ponuđaču Breakpoint d.o.o. Mostar, Kneza Višeslava bb, 88000 Mostar sa ukupnom cijenom od 37.570,50 KM bez PDV-a.

II.

Predmetni postupak nabavke proveo se putem pregovaračkog postupka bez objave obavještenja.

III.

Ova Odluka dostavlja se ponuđaču Breakpoint d.o.o. Mostar koji je učestvovao u postupku javne nabavke.

IV.

Izvještaj o provedenom postupku nabavke će biti dostavljen Agenciji za javne nabavke Bosne i Hercegovine u skladu sa članom 75. Zakona o javnim nabavkama („Službeni glasnik BiH“, broj 39/14).

V.

Ova odluka stupa na snagu danom donošenja.

Obrazloženje

Odlukom broj: 05-01-02-973/21 od 19.05.2021. godine pokrenut je postupak javne nabavke usluge pod nazivom: Održavanje online platforme za učenje u osnovnim i srednjim školama na području Hercegovacko-neretvanskog kantona. Komisija za provođenje postupka javne nabavke imenovana je Odlukom broj: 05-01-02-973-1/21 od 19.05.2021. godine.

Postupak nabave proveden je putem pregovaračkog postupka bez objave obavještenja. Shodno Odluci o pokretanju postupka nabavke procijenjena vrijednost postupka nabavke iznosi 38.000,00 KM bez PDV-a.

U skladu sa članom 28. stav (4) Zakona o javnim nabavkama ("Službeni glasnik BiH", broj 39/14), Ministarstvo je na internetskoj stranici objavilo informaciju o pokretanju pregovaračkog postupka bez objave obavještenja.

U skladu sa članom 28. stav (5), vlasniku izvornog koda Breakpoint d.o.o. Mostar dostavljen je poziv za dostavu ponude za fazu pretkvalifikacije zajedno sa Tenderskom dokumentacijom- pretkvalifikacija, sa krajnjim rokom za dostavu i prijem ponude 26.05.2021. godine do 12:00 sati.

Komisija je dana 26.05.2021. godine sa početkom u 12:15 sati na zatvorenom sastanku u prostorijama Ministarstva izvršila pregled i ocjenu dostavljene ponude ponuđača Breakpoint d.o.o. Mostar, a u skladu sa uslovima iz Tenderske dokumentacije.

Pregledom dostavljene ponude Komisija za nabavku je utvrdila da je ponuda ponuđača dostavljena na propisan način, da je omotnica sa ponudom ispravno zatvorena te da je ponuda uvezana i numerisana u skladu s zahtjevima iz Tenderske dokumentacije.

Komisija je izvršila pregled, analizu i ocjenu traženih i dostavljenih dokumenata u skladu sa uslovima iz Tenderske dokumentacije, a na temelju kojih se utvrđuje da li je ponuđač kvalificiran za dalje faze postupka te utvrdila da ponuđač ispunjava uslove tražene tenderskom dokumentacijom.

Nakon završene provjere kvalifikacije ponuđača i ocjene ponuda u postupku, a u skladu sa članom 28. stav (2) Zakona o javnim nabavama („Službeni glasnik BiH“, broj 39/14) ponuđač Breakpoint d.o.o. Mostar obaviješten je, da ispunjava sve uslove tražene tenderskom dokumentacijom i da se ponuđač kvalifikovao za dalju fazu postupka.

U skladu sa članom 28. stav (5) Zakona o javnim nabavkama („Službeni glasnik BiH“, broj 39/14), ponuđač se pozvao da dostavi početnu cijenu ponude.

Otvaranje početne cijene ponude održano je dana 31.05.2021. godine sa početkom u 10:15 sati, u prostorijama Ministarstva, Stjepana Radića 3, 88000 Mostar, na nejavnoj sjednici Komisije za predmetnu nabavku, o čemu je sačinjen zapisnik Komisije.

Do navedenog roka naznačenog u dokumentaciji za dostavljanje početne cijene ponuđač je dostavio dokumentaciju o kojoj će se pregovarati sa ponuđačem.

U skladu sa pozivom za pregovore dana 31.05.2021. godine sa početkom u 10:15 u prostorijama Ministarstva, Stjepana Radića 3, 88000 Mostar, započeli su pregovori sa ponuđačem Breakpoint d.o.o. Mostar.

Na pregovorima su prisutni svi članovi Komisije za postupak predmetne javne nabavke roba i predstavnik ponuđača Breakpoint d.o.o. Mostar, Admir Šehidić.

Na održanim pregovorima na inicijativu Komisije ponuđač je dao popust na početnu cijenu ponude od 37.950,00 KM u iznosu od 1 %, što iznosi 379,50 KM, te je dogovorena konačna cijena ponude koja iznosi 37.570,50 KM

Na inicijativu Komisije je dao i sljedeće pogodnosti:

- u cilju poboljšanja korisničkog iskustva te pojednostavljenja mobilne aplikacije nudi se vizuelni grafički redizajn mobilne aplikacije za učenike. Uz redizajn, dodatno će se uraditi nadogradnju aplikacije na najnoviju verziju razvojnog okvira. Time će učenici/korisnici dobiti novi, svjež vizualni dojam same aplikacije uz značajno poboljšanje korisničkog iskustva.
- U cilju izuzetne saradnje sa Ministarstvom, ponuđač je ponudio svoju stalnu dostupnost 24/7, u odnosu na odaziv od 24 sata od trenutka kontaktiranja Ministarstva, a što je bilo ponuđeno zajedno sa početnom cijenom.

U skladu sa održanim pregovorima u postupku nabavke, dana 02.06.2021. godine ponuđaču Breakpoint d.o.o. Mostar upućen je poziv za dostavljanje konačne cijene ponude.


Ponuđač Breakpoint d.o.o. dostavio je dana 03.06.2021. godine Obrazac za dostavljanje konačne ponude – ANEKS 1; i Obrazac za konačnu cijenu ponude – ANEKS 2 sa konačnim iznosom ponude od 37.570,50 KM bez PDV-a.

Shodno svemu naprijed navedenom Komisija je jednoglasno ocijenila kako je ponuda ponuđača Breakpoint d.o.o. Mostar ocijenjena kao najpovoljnija iz razloga što je ponuda ponuđača ocijenjena kompletnom i prihvatljivom skaldu sa uslovima postavljenim u tenderskoj dokumentaciji, ponuda je unutar finansijskih sredstava predviđenih postupkom javne nabavke, ponuđač je dao popust od 1% u odnosu na početnu cijenu ponude, a osigurane su i druge pogodnosti, odnosno nadogradnja aplikacije te stalnu dostupnost 24/07.

Ovom Odlukom prihvaćen je prijedlog Komisije. U postupku donošenja Odluke posebno su cijenjene činjenice da je Komisija za javne nabavke pravilno i potpuno dalo ocjenu prispjelih ponuda, kao i da je izbor najpovoljnijeg ponuđača izvršen u skladu s Zakonom o javnim nabavkama, podzakonskim aktima, internim aktima i Tenderskom dokumentacijom.

Pouka o pravnom lijeku:

Protiv ove Odluke može se izjaviti žalba Ugovornom organu, u skladu s članom 101. stav (4) Zakona o javnim nabavkama („Službeni glasnik BiH“, broj 39/14), u roku od najkasnije 30 dana od dana objave obavještenja o dodijeli ugovora., na adresu: Ministarstvo obrazovanja, nauke, kulture i sporta HNK, Stjepana Radića 3, 88000 Mostar, u pisanoj formi u tri primjerka.



Dostaviti:

1. Ponuđač
2. Web
3. a/a.